

西苑主人題

首子  
十一  
題簽

新刻太醫院發刻醫家必究杏苑生春目錄

一卷

醫學習業

習醫先用明經

論醫

診候定式

聲色脉診

脉病逆順

論脉

脉有損至

異常生死脉

在脉

結脉為病

用藥法象

藥性要旨

用藥宜禁

藥味專精

用藥中病不必盡劑

君臣佐使

制方之法

治法綱要

湯散丸例

異法方宜

標本陰陽

諸陰諸陽

陰海陽海

三陰三陽氣絕

陰陽應象

陰陽虛實

陰陽主病

陰陽生歿

陽有餘陰不足

問病求因

論病

主病標本

感病所因

治未病已病

病原診候

病症虛實

辯疑病名

察病輕重

病得其宜

諸夢為病

臟腑相移

諸痛

關格

人迎氣口說

論本

上古天真

血榮氣衛

男女氣血則一

男女尺脉辯

男女天數

養老

慈幼

無子服藥戒

房中補益

相火

茹淡

夏月伏陰在內

倒倉法

飲食所傷

勞役所傷

內傷治戒

傷寒溫病熱病說

亢則害承乃制

中暑中熱辯

積熱沉寒

煎厥

小便原委

瀉南方補北方

真邪離合

脫營

音釋 附卷首

二卷

脫血

汗法

下法

吐法

陽虛陰盛陽盛陰虛

春宣

藥戒

攻擊說

習醫規法

病源症治

臟腑虛實為病

陽明病

內外傷辯

醇酒宜於飲

受胎

乳硬

癰疽當分經絡

論診候肺疽肺痿法

論避疽

論五發疽

論三陰三陽時日所旺

勞極傷症

臨機應變

紀用備論

臟腑配天地

運氣政令

運氣勝復

天符歲會

天符

太乙天符

歲會

同天符

同歲會

三合

歲之所直名曰承歲

藥劑評

病分氣血晝夜衰旺

病熱分治

臟傳生歿

一息

二儀

二陽病

三才

三部

三焦

三神

三因說

四氣調神

四氣所傷

四知

四損

四肢

四海

四失

五臟生病

五臟虛實

五臟脈氣

五臟生成

五臟損益

五臟苦欲補瀉

五臟氣味補瀉

五臟相平

五臟別論

五精所并

五鬱

五臟正病

五邪爲病

五絕病治

五勞

五過

五病所發

五邪所亂

五邪所見

五行相尅

五法

六經氣血多少

六不治

六腑

七情藥性

七衝門

七診

七表脉狀

八裏脉狀

奇經八脉

八風

八會

九道脉狀

九候

九藏

九鍼



九蟲

九竅

九氣為病

十變

十法治病

十二經絡

十二經見症

十二原

十二宮

十二月人氣所在

十二多

十二經水

十二經脉之終

十二經是動所生之病

十二經絡始終流注

十二經治法

十三陰

十五絡

二十問

臟形正面踪源

臟形背面踪源

十二經絡序 形穴

手太陰肺經形穴

總歌訣二十 一法

手陽明大腸經形穴

總歌訣有二十法

足陽明胃經形穴

總歌訣四十有五法

足太陰脾經形穴

總歌訣二十有一法

手少陰心經形穴

總歌訣有九法

手太陽小腸經形穴

總歌訣一十有九法

足太陽膀胱經形穴

總歌訣六十有三法

足少陰腎經形穴

總歌訣二十有七法

手厥陰心包經形穴

總歌訣有九法

手少陽三焦經形穴

總歌訣二十有三法

足少陽膽經形穴

總歌訣四十有三法

足厥陰肝經形穴

總歌訣一十有三法

任脉形穴

總歌訣二十有四法

督脉形穴

總歌訣二十有七法

三卷 上下

約方之法

藥品製度

用藥增損

六經引藥

瀉六經火藥

藥劑準則

煎熬服法

風

中氣

中惡

寒

暑

濕

疫癘

大頭天行瘟疫病

温病

熱病

外感

內傷

四卷 上下

瘧瘧

痢瘧

霍亂

泄瀉

嘔唾

噎膈

嘈雜吞酸唾酸

脾胃

諸氣

六鬱

痰飲

五卷 上下

咳嗽

喘瘧

虛勞

諸血

汗瘧

虛煩

消渴

諸熱

疔瘡

癰瘡

咳逆

疔瘡

面部

頭痛

六卷 上下

眩暈

眼目

眼眶眉骨痛

鼻

耳

口舌

牙齒

咽喉

水腫

鼓脹

積聚

疝

心胃腹痛

肩背臂痛

腰脇痛

健忘怔忡

小兒科

調治痰痰

五臟病治

吐

瀉

驚

疳

內外傷感

癍疹痘瘡

夜啼

解顛

變蒸

小兒雜證

七卷 上下

狂癲驚癇

痊瘡

脚氣

痛風

白虎歷節

痿瘡

厥瘡

諸淋

附小便不通

目錄  
七

大便閉結

腸澼下血

赤白濁

夢遺

白淫

遺尿不禁

脫肛

墜傷金瘡

中諸毒

脫陽

尸厥

雜瘡

邪祟

外科

諸瘡

八卷 上下

疔腫

癰瘰

附骨疽

陰瘡

楊梅瘡

時毒

癩風

痔疾

漏瘡

破傷風

陰部

婦  
女  
科

總說

月經不調

月經不通

經漏崩中

帶下

諸積

胎前

產後

雜用奇法

目錄終



新刻太醫院發刻醫家必究杏苑生春卷之六

太醫院史 紹庄 徐文元 發刻

醫正 活溪 芮 經 彙集

秣陵後學 文麓 紀夢德 次編

太醫院醫官雲林 龔廷賢 校正

金陵書坊 蔣氏 石渠閣 梓

○眩暈

眩暈是卒然之間眼目昏花如屋旋轉或眼黑耳聾目閉身轉如立舟船之上起則欲倒不可一途而取執也得之風者脉浮有汗寒者脉緊掣痛暑者脉虛煩悶濕者脉細重滯此四氣乘虛而眩暈也得之七情鬱而生痰痰以動火隨氣上厥此七情

攻虛而眩暈也。淫慾過度，腎家不能納氣，歸元使諸氣逆奔而  
上。此氣虛之眩暈也。吐衄崩漏，肝家不能收攝榮氣，使諸血失  
道妄行。此血虛之眩暈也。又有勞役致使氣虛而眩暈者，有大  
吐大下，金瘡去血，致血氣皆虛而眩暈者，有濕痰而眩暈者，有  
痰因火動而眩暈者。此症雖有數種，皆不越乎痰挾虛而然。又  
有氣鬱生涎，多令人眉稜角痛，眼不可開，十脈多沉。治法須詳  
致病之因，隨機應敵。其開以升降鎮墜爲最，不可妄施汗下。有  
眼掉，此非虛，乃風熱也。經曰：諸風掉眩，皆屬肝木。各當求其所  
因施治，而審焉。

○脉症通明

左手脉數多熱，濇而芤有芤血。右手脉實有痰積，脉虛大必是  
久病。左手人迎脉緩而浮大者，屬風。

夫眩暈之症大抵有內外虛實不同是治法亦有虛實之異其  
內因者乃七情所傷如前論氣虛血虛陰虛之類乃有餘  
之病治法宜瀉不宜補欲知其詳當辨其症如氣虛其脉  
當見濡弱弦微其症或精神短少無力以動如血虛者其  
脉當見芤濇細少其症或大便燥結或不華色但陰虛者  
其脉當見浮數其症或燥燥喘或形槁敗如感風則脉浮  
有汗項強不仁如感寒則脉緊而無汗筋掣掣痛如暑則  
脉虛煩悶如濕則脉緩沉重吐逆  
痰火眩暈者以天麻二陳湯加黃芩主之

方天麻二陳湯

防風 白朮 茯苓 川芎 各一錢 橘紅

半夏 各一錢五分 白芷 五分 天麻 六分 甘草 三分

右咬咀用生薑五片。水煎熟。食後溫服。

風熱眩暈者以川芎茶調散主之。方見五卷內

痰厥眩暈者以半夏天麻湯主之。方見四卷內

七情氣鬱眩暈者以香橘飲主之。

**方香橘飲**

木香 白木 各八分 半夏麴 橘紅 各一錢

茯苓 八分 縮砂仁 七枚 丁香 甘草 各四分

右咬咀用生薑五片。水煎熟食遠服。

感寒眩暈以附子理中湯治之。方見四卷內

風痰眩暈以川芎甘菊散主之。方見五卷內

治冒雨或中濕眩暈嘔逆頭重。食以芎朮等之類。

**方芎朮湯**

川芎

半夏

茯苓 各一錢

白朮 二錢

甘草

炙五分

生薑

五片

右以咀水煎熟食遠溫服。

〔方〕夫血過多眩暈不甦宜用六合湯

〔方〕六合湯

羌活

秦艽

白芍藥

防風

各一錢

當歸

川芎

熟地黃

各一錢五分

右以咀水煎熟食前服。

〔病〕風寒在腦或感邪濕頭眩重痛欲倒嘔逆不定以芎辛之類

治之。

〔方〕芎辛湯

川芎

一錢五分

細辛

白朮

各一錢

甘草

五分

茶芽 少許

生薑 五片

右以咀水煎熟食後溫服。

痰涎壅盛頭眩惡心以天麻二陳湯主之 方見本卷前

治勞役所傷元氣太虛而眩暈者以補中益氣湯治之 方見三卷內

病房事恣情致精元氣耗眩暈欲倒以十全大補湯 方見三卷內

此腎虛頭暈以六味地黃丸每料加鹿茸五錢以固腎氣

也 方見五卷內

中暑眩暈煩渴欲嘔以十味香薷散主之 方見三卷內

痰熱客于上焦多能昏眩以前胡人參散 方見五卷內

眩暈得近火熱或熱手按之而定者此陽虛也以附子理中

治之 方見四卷內

風痰上厥眩暈以白附子丸主之 方見三卷內

眼掉此風熱也以川芎余調散主之

方見五卷內。

○眼目

諸脈者皆屬於目。目得血而能視。然五臟六腑精氣於上。主於目而爲之精。精之窠爲眼骨之精爲瞳子。筋之精爲黑眼。血之精爲絡。其窠氣之精爲白眼。肌肉之精則爲約束。裏極筋骨血氣之精而與脈并爲系。上屬於腦。後出項中。故邪中於項。因逢其身之虛。其入深。卽隨眼系入於腦。則腦轉。腦轉則引目系急。目系急則目眩以轉矣。邪中其精。其精所中。不相比也。則精散。精散則視岐。故見兩物。目者五臟六腑之精。榮衛魂魄之所常營。神氣之所主也。故神勞則魂魄散。志意亂。是故瞳子黑。眼法於陰。白眼赤脈發於陽。陰陽合傳而爲精明。天精明者。所以視萬物。別白黑也。目者心使。心者神之合。故神精亂而不轉。卒

然見非常之處。精神魂魄散不相得。故曰惑也。蓋十二經脈三百六十五絡。其血氣皆上走於面。而走空竅。陽氣上散於目。而爲精。其氣走於耳而爲聽。因心事煩冗。飲食失節。勞役過度。致脾虛弱。心火太盛。則百脈沸騰。血脈逆行。邪害空竅。則日月不明。然五臟六腑之精氣。皆稟受於脾。上貫於目。脾者諸陰之首也。目者血脈之宗也。故脾虛則五臟之精氣皆失所司。不能歸明於目矣。心者君火也。主人之神。宜靜而安。相火化行。其令相火者。經絡也。主百脈。皆榮於目。既勞役運動。勢乃妄行。又因邪氣所并。而損脾脈。故目諸病生焉。凡醫者。不理脾胃。反養血安神。乃治標不治本。是不明正理也。蓋眼目屬肝經。全藉血以爲宮。精以爲輔。若非靜心保養。精血何由而生。或爲怒動其火。或因血虛。或因精衰。有生紅障。有生白翳。有迎風多淚。有惡日羞。



明者因血衰過傷酒毒重衣火炕熱畜所致治法暴赤者清志  
況肝血虛者滋陰養血怒火者鎮伏肝邪精障者養肝去翳多  
淚者瀉肝經之大熱羞明者補陰血以涼心又有久病氣虛或  
飲食勞役而昏花者宜當補助元氣恣情縱慾傷損精血而昏  
暗者以滋益腎陰使精血克滋自然明矣瞳子散大於黃精視  
物無的以小爲大以長爲短卒然見非常之處行步踏空視物  
不真此血虛精衰也患此症者靜心息慮戒酒遠色韭蒜葱薤  
并煎燒熱物損胃藥餌皆當禁忌若用苦寒之藥必須酒炒又  
有雀目眼遇夜不見此疾難醫恨眼爲一身之要豈可輕忽。

○眼目脉法

左寸脉洪數心火炎也關脉數而洪肝火盛也。

右寸關俱弦洪乃肝木火之勢而來侮所不勝之金制已

所勝之土也

○眼目法則

目者肝之外候乃臟腑之精華為宗脈之所聚其白精屬肺金肉輪屬脾土赤脈屬心火黑珠屬肝木神光屬腎水其病一出于火如白珠變赤火乘肺也肉輪赤腫火乘脾也黑珠腫瘴火乘肝也赤脈貫睛心火自盛神光腫痛火乘腎也治療之法在藥則宜鹹酸之劑或吐之下之在鍼則宜神庭上星顙會前項百會諸穴以刺之雖然尤當詳其各經氣血多少施治

○如目內眦並目之上綱俱屬太陽其經血多氣少

○如目銳眦屬少陽其經氣多血少

○如目之下綱並目兩旁交額之中俱屬陽明其經氣血俱多

○如連目之系屬厥陰其經少氣多血是以凡血盛之經爲患者則大宜針刺

○如血少之經勿刺大宜苦寒之劑涼血瀉火爲主

○又河間謂在腑屬表當驅風散熱在臟屬裡宜養血安神

○如暴火眼昏澁眵膜淚班入眼皆風熱也乃肝氣盛而發在標宜表散以去之

○如暴赤瘴宜防風黃芩爲君以瀉火黃連當歸爲臣以養血

稍加羌活柴胡升麻白芷甘草之類以爲佐使如白睛疼

加白荳蔻少許

凡目病有四曰風熱曰神疲曰血少曰腎虛

○如因風熱者宜以辛涼之劑散之

○如血少宜以四物湯之類主之

○如神疲者宜以補中益氣湯之類主之

○如腎虛者宜以滋陰補腎之類主之

○如能遠視不能近視者乃火盛水虧法當補腎加味地黃丸

○如能近視不能遠視乃水火虧法當補心宜定志丸之類蓋

火虧者乃心血不足也水虧者乃腎水不足也

○治肝經不足內受風熱上攻眼目視物不明常見黑花當風有

淚隱澁難開或生翳障時行暴赤以明日流氣飲主之

方明目流氣飲

大黃蒸 牛蒡子 川芎 甘菊花 白蒺藜 防風

山梔仁 黃芩 荆芥 木賊 草決明 各五分

細辛 玄參 蔓荊子 甘草炙 蒼朮米泔浸 五分

右咬咀水一鍾半酒半鍾煎熟臨臥熱服

治風毒上攻暴赤腫痛隱澁眵淚以洗肝散主之。

方洗肝散

薄荷

當歸

羌活

防風

川芎 各一錢

甘草 五分

大黃

煨五分

山梔仁 六分

右咬咀水煎熟食後服。

治風氣攻疰兩眼昏暗眵淚羞明以密蒙花之類。

方密蒙花散

密蒙花

疾梨

木賊

石決明

羌活

甘菊花

各等分

右依法製度為末每服二錢茶清調服。

倒睫拳毛以防風飲子。

方防風飲子

防風 乾葛 各五分

蔓荆子 細辛 各三分

當歸身 七分五厘

甘草 炙 黃連 各一錢

人參 一錢

右咬咀水煎熟食遠温服。

病肝經蘊熱上攻眼目赤腫羞明多淚以蟬蛻等之類。

方蟬蛻散

穀精草 甘菊花 蟬蛻 羌活 甘草

蒺藜 草決明 防風 山梔子 川芎

密蒙花 荆芥 黃芩 蔓荆子 木賊

右件各等分依法製度為細末每服二錢茶調或荆芥湯食

後温服。

病勞役飲食不節致心火不得休息而生内障以蔓荆子湯以

內障升麻湯治之

方蔓荊子湯

蔓荊子

白芍藥 各五分

黃芪

人參 各一錢半

甘草 六分

黃蘗 七分酒浸并炒日次

右咬咀水煎熟臨臥時食遠溫服

方內障升麻湯

乾生薑 三分

五味子

甘草 各四分

白茯苓

防風

柴胡 各五分

白芍藥

當歸身

人參

白朮

升麻 各一錢

羌活

葛根

各八分

黃芪 一錢

右咬咀先水三鍾煎二鍾再加黃連各少許食遠溫服

瀉眼發後上熱白睛紅多生眵淚無疼痛而隱澁難開氏花不

明以助陽和血之劑。

方助陽和血湯

防風 一錢

黃芪 一錢五分

蔓荊子

當歸身

甘草 炙各五分

白芷 四分

升麻

柴胡 各二分

右咬咀水煎熟臨臥時溫服。

治眼赤暴發作雲翳疼痛以龍胆四物湯。

方龍胆四物湯

當歸

川芎

白芍藥

熟地黃

羌活

各一錢

防風

防己

各五分

黃連

酒浸一宿三分

龍胆草

酒浸

一宿五分

右咬咀水二鍾煎一鍾食遠溫服。

病眼久昏疼或視物不清惡日羞明以涼血明目之劑。



方涼血明目湯

熟地黃

一錢五分

羌活

防風

各六分

甘菊花

山梔子

炒

穀精草

柴胡

各五分

木賊

四分

甘草

三分

川芎

當歸

各一錢

白芍

八分

如有淚加川椒

炒十粒

紅熱者加黃連

酒浸五分

龍胆草

酒浸三分

右吹咀水煎熟食前溫服

眼中白翳以當歸龍胆之類

方當歸龍胆湯

防風

石膏

黃連

黃蘗

黃芩

甘草

柴胡

羌活

五味子

升麻

當歸身

黃芪

龍胆草

白芍藥

右咬咀煎熟瀉清加酒少許臨臥時溫服

治肝氣實熱頭疼目眩眼赤心煩以柴胡等之類。

方柴胡散

柴胡 一錢二分

地骨皮

玄參

羚羊角

甘菊花

赤芍藥

黃芩

各一錢

甘草

炙五分

右咬咀用生薑二片水煎熟食遠溫服。

目眼流膿生翳濕熱為病以龍胆飲子。

方龍胆飲子

穀精草

蛇蛻皮

甘草

樽金

各二分五厘

麻黃

七分半

升麻 一錢

草龍胆

青蛤粉

黃芩

羌活

各一錢五分

右咬咀水煎熟食後溫服。

病口赤微痛羞明畏見日火怯風寒眼睫成紐眵糊多隱澁難  
開眉攢腫悶鼻塞涕吐大便微硬以明目之劑

方明目細辛湯

細辛 四分

當歸稍

白茯苓 各八分

桃仁

藁本 各六分

川芎

生地黄

荆芥

防風

麻黃根

羌活 各一錢

紅花

川椒 各四分  
蔓荊子 七分

右哎咀水煎熟臨臥時服

治內障以復明散主之

方復明散

青皮 三分

橘皮

川芎

蒼朮 各五分

甘草 炙

生地黄

連翹

柴胡 各一錢

黃芪 一錢五分

當歸身 一錢

右咬咀水二鍾煎一鍾食後溫服

痢肝經有熱目赤睛疼視物昏澁以羊肝丸治之

方羊肝丸

白羊肝 一具生去筋膜搗爛

黃連 生為細末

右件和勻可丸為度如梧桐子大每服五十九丸用白湯食後

送下

精氣不足眼昏花者以益陰腎氣丸

方益陰腎氣丸

澤瀉

茯神 各二錢五分

生地黄

牡丹皮

山茱萸

當歸鬚 各五錢

熟地黄

一兩酒浸爛研碎如膏

五味子

乾山藥

柴胡 各五錢

右件各依法製度為未用煉蜜和地黃骨為丸如梧桐子大  
硃砂為衣每服五十九鹽湯空心送下

眼目紅疼以洗眼湯洗之

方洗眼湯

芒硝 一錢  
黃連  
當歸鬚  
薄荷  
白芍藥

荆芥  
防風 各三分

右用滾湯一鍾泡透乘熱洗眼

疔腫子散大視物不真此精衰血虛也以滋陰養血之劑

方滋陰地黃丸

熟地黃 一兩  
生地黃 一兩五錢  
柴胡 八錢  
天門冬

甘草 炙  
枳殼  
黃連 酒洗  
五味子 各三錢

人參  
地骨皮 各二錢  
黃芩 酒洗五錢

當歸 五錢

右件依法製度為末。煉蜜為丸。如豈大。每服一百丸。食後送下。日進三服。

病肝虛積熱上攻。眼目翳膜遮睛。羞澁多淚。以明目地黄丸主之。

明目地黄丸

生地黄 各四兩 熟地黄 好酒浸軟搗爛如膏

牛膝 七錢五分 石斛 枳殼 杏仁 另研

防風 各一兩

右件依法製度為末。用地黃膏與煉蜜和為丸。如梧桐子大。每服五十丸。鹽湯溫酒空心一服送下。

病腎臟虛耗水不上升。眼目昏暗。遠視不明。漸成內障。以杞苓

丸治之

方杞苓丸

白茯苓

四兩

甘州枸杞

二兩酒浸

青鹽

五兩研

當歸

兔絲子

各一兩

右件依法製度為細末煉蜜為丸如梧桐子大每服七十丸

食前米湯送下

病腎臟虛弱眼目昏暗或見黑花以甘菊花等之類

方甘菊花丸

甘菊花

一兩

枸杞子

二兩

熟地黃

一兩五錢

山藥

二錢五分

右件依法製度為細末煉蜜為丸如梧桐子大每服三五十

丸空心食後各一服白湯服之送下

病黑白翳膜呵欠善悲健忘多淚嚏噴以撥雲湯主之。

方撥雲湯

黃芪

防風

黃蘗

酒炒

羌活

各一錢

細辛

乾葛

川芎

柴胡

甘草

荆芥

各五分

藁本 六分

升麻

當歸身

知母

各七分

右以水煎熟食後溫服

病目少精光視物無力睛痛昏化羞明難開目中如火以神効

黃芪湯治之

方見五卷內

病雀目眼遇夜不能見物以煮肝散或猪肝一具白水煮熟露

一宿食之當日不盡再露次日食之

方煮肝散

夜明砂

青蛤粉

豉椒精草

各等分



右件爲細末。每服大人三錢。中兒二錢。小兒一錢。純猪肝二片。批開。摻藥在內。攤勻。以麻剗定。米泔半碗。煮肝熟。取出。肝將汁在碗內。熏眼。分肝三次嚼喫。卽用肝汁下。一日三服。不拘時候服。三日就見空心尤佳。

〔治〕小兒疳眼翳膜羞明不能見物以煮肝散主之

見前

○眼眶骨痛

〔病〕眼眶骨痛。若終見光明。則疼甚者。乃肝虛血少。身體重而疼者。此濕痰也。治察其因。

〔治〕血少眼眶骨痛。以明目地黃丸。或四物湯。加羌活。柴胡。防風。酒黃芩主之。方見三卷內

〔方〕明目地黃丸

生地黃

熟地黃

各四兩好酒浸軟搗爛如膏

牛膝七兩五卜

石斛

枳殼

杏仁另研

防風各一兩

右件依法治度為末，用地黃膏與煉蜜和為丸，如梧桐子大，每服五十九，鹽湯溫酒空心送下。

〔治〕眼眵眉稜骨痛，眼不可開，晝靜夜劇，此風熱與痰，以消風化痰之劑主之。

〔方〕消風化痰湯

川烏一錢童便浸炒 白朮一兩五分 羌活一錢

細辛 甘草各五分 黃芩七分酒浸

右吹咀水煎八分，食後熱服。

〔治〕眼眵疼身重有痰，以導痰湯與芫辛湯相伴和煎。方見前卷

〔方〕芫辛湯

川芎一錢五分 細辛 白朮各一兩 甘草五

生薑 五片

芽茶 少許

右吹咀水煎八分。食後熱服。

〔治〕眉骨痛不可忍以選奇湯主之。

〔方〕選奇湯

羌活

防風 各二錢

黃芩 各一錢酒浸冬月不用  
若能食熱痛倍加之

甘草 炙夏月生用

右吹咀水煎八分。食後服。法加半夏二錢薑製。

○〔鼻〕

經絡血氣皆上於面而走空竅其宗氣上出於鼻而為鼻蓋肺氣通於鼻和則知香臭矣夫宗氣者胃中生發之氣也若因飽飢勞役損傷脾胃生發之氣既弱其營運之氣不能上升邪害空竅故不利而不聞香臭也宜養胃氣使營運陽氣宗氣上升。

杏苑生香

卷之六

一

鼻則通矣。况肺氣通於天，貴乎清淨。或為風熱所感，使鼻壅氣盛，為嚏為噴，甚則為鼻淵衄血之患矣。有多酒之人，酒氣重蒸，面鼻血為極熱，熱血得冷，為陰所搏，汗濁凝結，滯而不行，宜其先為紫而後為黑也。須用融化滯血，使之得流，滋生新血，可以運化，病乃易愈矣。

○脉病兩陳

右寸脉浮洪而數，為鼻衄鼻賧。

左寸脉浮緩，為傷風鼻塞，鼻流清涕。

鼻之為病，盡由心肺二經受病。有熱有寒。若寒客於皮毛，則鼻為之不利。苟熱壅清道，則氣不宣通。大法當要分別寒熱，二因而療。如因外寒者，表之以麻黃桂枝之類。若因肺熱者，清之以芩連梔子之屬。况鼻居面之中，為陽中之陽。

一身之血。面鼻皆取至精至清之血。若飲酒之人。酒氣上炎。面鼻之血。皆爲酒所攻。設一因寒所泣。則凝而不行。故色變紫黑。治宜化滯氣。生新血。以四物湯加酒片苓。酒紅花。茯苓。陳皮。甘草。生薑煎湯服。五靈脂末。如氣弱者。加酒浸黃芪。如鼻頰臭。淵宜防風通聖散。加薄荷黃連。如鼻壅塞。乃肺氣盛。用枯礬和面脂爲末。綿足塞鼻中。數日即消。凡鼻鼾等症。皆由上焦心肺二經壅熱所致。蓋肺氣通於鼻。乃清氣出入之門。若或酒熱氣之上炎。氣血爲酒氣壅鬱。成熱。伏留不散。而爲鼻瘡。又有不飲酒之人。亦成此症者。乃肺氣風熱壅滯所致。名曰肺氣宜。以防風散。食後冷服。外用硫黃。入大羊頭骨煨研塗之。

凡鼻尖及鼻中生瘡。以辛夷研末。入腦麝少許。綿裹塞鼻中。仍

以荆芥白芷陳皮麻黃蒼朮甘草水煎食後服  
病膽移熱於腦頻嚏濁涕不止名曰鼻淵久而不已必成衄血  
之患以防風湯主之

〔方〕防風湯

防風 二錢五分 人參 二錢 黃芩 麥門冬

川芎 各一錢五分 甘草 炙五分

右咬咀水煎八分食後熱服

〔治〕風熱傷肺鼻塞清涕以上清散主之

〔方〕上清散

薄荷 一錢五分 荆芥 防風 山梔仁 各 錢九

甘草 生五分 黃芩 桔梗 各八分 連翹 一錢

右咬咀水煎八分食前熱服

治鼻不聞香臭以麝澤通氣湯主之

方麗澤通氣湯

黃芪 蒼朮 羌活 獨活 防風 升麻

葛根 各一錢 甘草 炙 麻黃 各五分 川椒 三分

白芷 四分 生薑 三片 枣子 二枚 葱白 三寸

右咬咀水煎八分食遠熱服

治多酒之人酒氣熏蒸面鼻飲醲酒深重致血為極熱熱血得

冷為陰所搏結滯不行故先紫而黑俗曰酒瘡鼻以清血

散主之

方清血散

當歸 川芎 白芍藥 黃芩 中枯 熟地 各一錢

茯苓 陳皮 各八分 生甘草 紅花 酒浸各五分 生薑 三片

右明水煎調五靈脂末少許食前熱服

如氣弱加黃芪一

錢酒焙

○耳

腎脉通乎耳。所主者精氣調和。腎元充足。則耳聞而聰。若勞傷氣血。風邪襲虛。使精衰腎憊。則耳轉而聾。其因有數証。蓋十二經脉。上絡於耳。適有交并。則臟氣逆而為厥。搏入於耳。是謂氣厥聾。必兼眩暈。耳者宗脉之所附。脉虛而風邪乘之。風入耳脉。使經氣痞而不宣。是謂風聾。必兼頭痛。勞役傷於血氣。淫慾損其精元。瘦瘁力疲。昏昏噴噴。是謂勞聾。有能憚息得所。血氣和平。則其聾暫輕。耳觸風邪。與氣相搏。其聲嘈嘈。眼見黑光。謂之虛聾。熱氣乘虛。隨脉入耳。聚而不散。濃汁流出。為之膿耳。耳間有液。輕則不能為害。若風熱搏之。津液結聚成核。塞耳。亦令



暴聾謂之聵耳耳中常聞蟬鳴或如風雨之聲乃腎虛也或氣虛亦然有絕不聞者此腎邪有傷不易施治凡人病中不可綿絮枕首者恐被其壅閉腎氣而成痼聾也前是數者腎脉可推風則浮而盛熱則洪而實虛則濇而濡風爲之踈散熱爲之清利虛謂之調養邪氣屏退然而通耳調氣安腎之劑主之於此得耳中三昧也

○脉症備言

兩寸脉浮洪而渙澁兩尺脉短而微皆屬陰虛法當補陰抑陽爲主。

寸脉洪數心火上炎兩尺脉洪數乃相火上炎其人必遺精或夢與鬼交兩耳蟬鳴或聾。

凡耳鳴必用龍會丸若氣實人用枳榔丸或神芩丸下之如濕

痰致聾亦可通用。

○如耳中聞聞然亦是陰虛火動。

大抵耳聾之症皆屬於熱。由少陰厥陰熱多所致。治法在乎開痰散氣解熱爲主。如通聖散滾痰丸之類。苟緣別因而致者亦當分因而療。

凡大病後及因陰虛火動而聾者。並宜以四物湯加黃栢知母降火之劑。如因風熱鬱結而聾者。以酒製通聖散加酒炒大黃。如因痰熱抑遏而致耳鳴者。以大劑通聖散加枳殼柴胡大黃甘草南星桔梗青皮荆芥水通之類。合四物湯服之爲愈。

治氣厥聾。以流氣飲子。加石菖蒲葱白主之。方見四卷內

治風熱上壅兩耳聾閉內外腫痛膿水流出以犀角飲子主之。

方犀角飲

犀角

菖蒲

木通

玄參

赤芍藥

赤小豆

甘菊花

各八分

甘草

炙五分

生薑

二片

右咬咀水煎食遠温服。

治腎臟邪熱心下煩悶耳聽無聲以玄參羚羊角湯主之

方玄參羚羊角湯

玄參

五加皮

生地黃

赤茯苓

各一全

羚羊角

黃芩

各八分

石菖蒲

麥門冬

通草

各五分

甘草

炙四分

右咬咀生薑五片水煎八分食遠熱服。

治風毒熱壅心胸痰滯兩耳虛聾頭痛目眩以犀角甘菊散主

之

方犀角甘菊散

杏苑生書

卷之六

八

犀角 甘菊花 前胡 枳殼 菖蒲 澤瀉

羌活 生地黃 麥門冬 木通各七分 甘草炙四分

右咬咀水煎八分。食遠熱服。

治上焦風熱耳。忽聾鳴四肢滿急胸膈痞悶以茯神散治之。

方 茯神散

茯神 一錢二分 羌活 蔓荊子 防風 黃芪

慧苡仁 各八分 五味子 五分 麥門冬 六分

菖蒲 八分 甘草 三分 黃芩 酒焙七分

右咬咀水煎八分。食後熱服。

治耳中乾結耳鳴耳聾以柴胡聰耳之劑主之。

方 柴胡聰耳湯

柴胡 二錢 連翹 三錢 甘草 五分 人參 一錢

當歸身一錢 生薑三片

右咬咀。水二鍾煎一鍾去渣入水蛭、蠱、蝮各炒，麝香俱研為末。少許再煎一二沸服。

治腎虛精少耳作鳴蟬。以八味地黃丸方見四卷內或十全大補湯加知母黃蘗主之。方見三卷內

治氣虛耳鳴。以參芪補氣湯血虛精少。加熟地黃主之。

方參芪補氣湯

黃芪 茯苓

人參各一錢

石菖蒲

黃蘗酒製

甘草炙各五分

知母

白朮

當歸

橘皮各八分

升麻

柴胡各四分

如精血少。加熟地黃一錢。

右咬咀。水煎八分。食遠熱服。

治風氣上壅耳聾或氣定而聰者以通氣湯主之  
方通氣湯

柴胡一錢 石菖蒲 知母 黃蘗酒浸 白芷各七分

防風 羌活各六分 烏藥七分 枳殼 甘草各五分

乾生薑三分 全蝎炒三枚

右咬咀水煎八分食前熱服。

治風氣閉之津液結聚成核塞耳以取耳膏治之

方取耳膏

生豬脂去膜 生地黃 釜下墨各等分

右件細研以葱汁和捏如枣核薄綿裹塞耳

○口舌

口者脾之標舌者心之竅所貴乎安靜一有勞動心火上炎加

之膏梁積濕成熱。由是口舌赤裂瘡疾生焉。膀胱移熱於小腸。膈腸不便。上爲口糜。口糜不已。飲食難入。若失調治。誠爲危症。也可不慎之。

○脉症宗源

脉經曰。左寸洪數。心熱。口苦。右寸脉浮。肺熱。口辛。

左關弦數。而虛。膽虛。口苦。○又云。左關洪實。肝熱。口酸。

右關脉實。脾胃有實熱。口甘。兼洪數者。口瘡。或爲重木。舌脉虛者。中氣不足。

凡口瘡服涼藥不愈者。因中焦土虛。而不能食。相火冲上。無制。宜理中湯。加參朮甘草。補土之虛。乾薑散火之標。甚者。可加附子。或噙官桂亦妙。此乃從治之法。或以生白礬爲末。貼之。極効。此亦乃酸以收之之義。

凡口瘡之症爲患不一。治療之法。必當分因而療。不可拘執一  
法治之。

如心熱而口苦。或舌生瘡。以黃連瀉心湯。牛黃清心丸。涼膈散  
之類。

如肺熱而口辛者。宜甘桔湯。瀉白散。金沸草之類。

如脾熱而口甘者。宜三黃丸。平胃散之類。

如腎熱而口鹹者。宜滋腎丸。滋陰大補丸之類。

治口糜。口中白爛。乃心胃有熱。水穀不化。以導赤散和五苓散

主之。方見三卷內

方導赤散

生地黃 一錢五分 木通 二錢 甘草 竹葉 各一錢

右咬咀水煎八分。食後溫服。



治口舌唇疼有瘡。頭頰腫痛。以玄參升麻湯主之。

方玄參升麻湯

玄參 赤芍藥 黃芩 升麻 貫仲 各一錢

犀角 桔梗 甘草 生薑 各五分 三片

右咬咀水煎八分。食後溫服。

治口舌唇疼有瘡。皆心火炎盛。以涼膈散主之。方見五卷內。

治口瘡連年不愈。以玄參丸主之。

方玄參丸

天門冬 麥門冬 玄參 各等分

右件依法製度為末。煉蜜為丸。如彈子大。每服一丸。噉化。

治心脾壅熱。木舌腫脹。以玄參散降火之劑治之。

方玄參散

玄參

犀角

各一錢

升麻

一錢五分

大黃

量人虛實多少

甘草

五分

右咬咀水二鍾煎一鍾食遠熱服

治因膏粱過用勞心尤甚氣出脛臭吐涕稠粘口乾舌燥以加

減瀉白散主之。

方加減瀉白散

桑皮

桔梗

各一錢二分

地骨皮

甘草

各八分

黃芩

麥門冬

五味子

各五分

知母

八分

右咬咀水一鍾煎八分食後熱服

治口瘡不已以赴庭散主之

方赴庭散

蜜陀僧

黃蘗

青黛

右件各等分爲細末乾摻瘡上。

治口瘡年久不愈已服涼藥過多反甚者以理中湯主之或用

乾薑甘草和勻常帶細嚼方見三卷內

治口糜生瘡損爛飲食難下是心胃壅熱水穀不化轉下小腸也是以用柴皮湯治之。

方柴皮湯

柴胡 地骨皮 各三錢

右咬咀用水一鍾煎八分熱服。

治口瘡口破疼痛以芭荳半枚生研和米飯一荳大杵和貼印堂對眉間約半刻許覺紅就去不可泡起小兒減半隨即痊愈

○牙齒

牙齒乃腎氣之標。是手足陽明之所過。上齦隸於坤土。乃足陽明胃之脉貫絡也。止而不動。下齦嚼物動而不休。手陽明大腸之脉所貫絡也。手陽明惡寒飲而喜熱。足陽明喜寒飲而惡熱。牙亦喜寒。寒者堅牢。為病不同。熱甚則齒動齦斷。袒脫作痛。其為証有數種。有風熱有腎虛。有齒齦宣露。有惡熱。有惡寒。有動搖。有齒齦腫起。脾胃中有風邪。但覺風而作痛。牙上蟲蝕。其齒缺少。而色變。胃中氣少。不能於寒。但露齒而作痛。有疼而臭穢。不可近者。痛既不一。法當隨証施治。所忌者。日寸蝕。未平時。勿進飲食。不然。多患齒病也。

○脉症捷言

脉經曰。右寸關脉洪數。或弦而洪數。乃腸胃中風熱。齒痛尺脉洪太虛者。不腎虛相火上炎。

治齒法則

夫齒爲關門乃腎之標骨之餘是以腎衰則齒豁情固則齒密其牙齦又屬腸胃所主苟腸胃濕熱壅盛則齒齦腫痛如被風口頭面俱痛如虫濁者由熱甚生風風甚生虫治宜分因治之不可按圖索驥

如因腎虧者滋胃丸滋陰大補丸之類

如腸胃濕熱壅盛如承氣湯之類如因風熱者宜防風通聖之類大法不越乎此三方加減

凡牙痛之症多屬濕熱宜以苦寒之劑爲君辛涼之劑爲臣梧桐淚佐以麝香研末搽之立効如痛再加車撥胡椒之辛以散鬱清熱佐以升麻寒水石之苦寒川芎細辛荆芥薄荷諸辛涼煎湯飲漱無有不効

治風毒攻疰牙根腫痛以獨活散主之

方獨活散

川芎

生地黃

獨活

羌活

防風各一錢

細辛

荊芥

薄荷

各六分

右咬咀水一鍾煎八分食遠熱服

治牙出膿血變骨蝕風及骨已出者以玉池散主之

方玉池散

藁本

防風各八分

細辛

白芷

當歸

甘草節

槐花

川芎

各五錢獨活七分

右咬咀生薑三片水一鍾煎八分溫漱燕之亦可

治腎乏骨痠齒痛者以六味地黃丸或虎潛丸主之

二方俱見五卷內

治牢牙去風冷以香鹽散主之或甘松去鬚畧焙為末乾階患

處亦妙

治苦於牙疼欲落不犯手以代刀散去之

方代刀散

草烏頭

草撥

各一錢五分

川椒

細辛

各三錢

右件生為末少許搯患處內外其牙自落

治齒疼腮腫寒熱骨疼頭痛以荆防敗毒散加石膏升麻主之

方荆防敗毒散

柴胡

一錢五分

前胡

羌活

獨活

桔梗

枳殼

人參

茯苓

川芎

各一錢五分

甘草五分

防風

荆芥

各六分

生薑

三片

右咬咀用水一鍾半煎七分食遠服

治牙疼有風毒以白芷荆芥蜂房防風等分煎湯頻漱仍服消

風散 方見三卷內

**治** 牙疔虫出孔中。用乳香少許，火炙令軟，以膏之。

**治** 牙齒疼痛，不可忍者，以蜂房湯泡漱立止。

**方** 蜂房湯

露蜂房 一錢  
川烏 各六分  
細辛 四分

川椒 五分  
明礬 少許

右用沸湯半鍾，泡去渣，無風處濕漱，渣再泡漱。

**治** 齒齦宣露，牙縫血出，多是疔毒，用生竹茹二兩，醋煮，含之。又

用細辛、甘草一醋煎，減半，日夜含之。又用苦竹葉濃煎

和鹽少許，通溫含冷則吐之。

**治** 牙宣，乃齒縫血流也。其因有二：若風壅者，以消風散擦之，仍

眼數貼。若腎虛乃虛火故也，以四物湯加什麻。方見三或



安腎丸

鹽湯下安腎丸用香附子同薑鹽炒黑為末揩牙尤妙

青鹽 一兩另研

鹿茸

栢子仁

石斛

川烏

黑附子 炮

巴戟

肉桂

兔絲子

菴子

肉蓯蓉

胡蘆芭

杜仲

薑汁拌炒

遠志

石棗 酒蒸去核

破故紙

赤石脂

煨茯苓

茯神

川練子肉 酒蒸

蒼朮

川椒

茴香

酒炒各五錢

右件依法脩製為末用山藥末打糊為丸如梧桐子大每服八十一丸空心鹽湯送下

治陽明濕熱壅盛牙疼法當踈濕清熱為主經云風能勝濕寒

可勝熱故用細辛防風以勝濕胆草升麻以解熱佐甘草

和藥瀉火

方立効散

細辛 防風 龍胆草 升麻 甘草

右咬咀用水煎，噙於口內，貼浸患處，少時嚥下。

治牙齦腫露出血，齒動欲落，疼痛妨食，大惡熱，少惡寒。此乃血

氣虧敗，腸胃濕熱，內壅所致。法當調補氣血為清，清利濕

熱為標，用人參益氣，當歸地黃養血。經云：苦可以燥濕，以

可以勝熱，故用益智、草薺、麻黃諸辛，助防己、升麻、黃連皆

苦寒，以清腸胃中濕熱。齒乃骨之餘，故加羊脛骨以補骨

佐麝香、疎利、闕竅，以導諸藥性至患所。

方麝香散

人參 川歸 生地 熟地 麻黃 防己

益智仁 草薺薺 升麻 羊脛骨 黃連 麝香

右件依法修製為細末搽患處

治胃中濕熱牙疼法當清理濕熱經云苦可勝濕寒可勝熱故用升麻黃連牡丹皮諸苦寒以清濕熱當歸生地黃涼血補血

方清胃散

升麻一錢五分 黃連二錢 牡丹皮三錢

生地黃一錢 川歸二錢

右咬咀水煎八分涼服或為末擦牙亦妙

治一切牙痛用白芷以踈陽明經風升麻石膏以清陽明經熱用羊脛骨補齒虛麝香辛竄引諸藥以通行關竅

方白牙散

白芷 辛溫五錢 升麻 苦寒一兩 石膏 辛寒五錢

麝香 辛温 一錢  
羊脛骨 甘酸 半五錢  
共為末。察患處。

○咽喉

咽喉之疼痛或因煩勞火盛或過食炙煇辛辣酒等蘊積熱毒致生風痰胸膈之間壅滯不散以成此証喉内生瘡狀如肉腐為腫為痛窒塞不通吐嚥不下甚則生出重舌治宜先去風痰以通咽膈然後解其熱毒遲則不救又有熱衝上腭生瘡謂之喉癰及腑寒亦令人喉閉吞吐不利有纏喉風此症先兩日胸膈氣緊及氣短促驀然咽喉腫痛手足厥冷氣閉不通痰毒纏蔓雖分急慢慢則稍緩急者時刻失救便為死証最忌爪甲青紫又有虛火上升咽吐覺痛理宜以陰降火凡咽喉之病其道窄狹倘有遲悞便被痰壅呼吸之間生妖係焉惟有如聖散主銀匙宣雪最妙若旅途中倉卒不人以山豆根番木鱉子磨水

灌下尤好緩者礪砂胆礬研細吹入患處倘行遠宜備非惟自  
已愈疾抑且可救他人此亦仁者之心也又有喉疼忽愈毒攻  
胸脇痛不可忍氣促身熱不能眠臥者以牛蒡子湯加貝母鮮  
之有痰加瓜蒌仁七。日以後毒深喘甚手足指甲紫者難治。

○脉症要刪

兩手脉浮洪而溢者喉痺也脉微而伏者死

大凡喉疼之症皆屬火熱雖有數種之名輕重之異乃火之微  
甚故也其微而輕者可以藥餌緩治甚而急者則藥難以  
成功必須針砭去血乃爲上策其次吐法亦可用蓋山茺  
根大能治喉痺要藥也或以遠志去心爲末水調敷項上  
周圍亦効。

大都此症針砭爲上經云砭不可去壅是也學者當慎思之。

如咽喉乾燥痛者乃陰血虧敗津液枯涸宜以四物湯加桔梗  
荊芥黃栢知母立止。

喉痺之症俱屬火熱但相火爲害不可治以苦寒當用辛溫從  
治之法鍼砭尤易成功。

咽喉生瘡多屬血虛虛熱虛火遊行無制客於咽喉所致經云  
虛火可補是也當用人參荊芥蜜炙黃栢竹瀝等加入四  
物湯內

如實熱宜黃連荊芥薄荷芒硝薑汁和蜜丸噉化。  
如痰火吐法亦可用。

凡喉痺必用荊芥防風凡陰火炎必用玄參。

山荳根治喉痺之聖藥。

治風痰上疼咽喉腫痛吞吐如碍以甘桔湯主之  
方見三卷內

治上中二焦 熱喉疼 以涼膈甘桔湯加貝母主之方內

病風痰壅盛咽喉腫痛 小穀不下牙關緊閉以如聖散

方如聖散

雄黃 二錢五分 廿加白礬 二錢 猪牙皂角 去皮炙黃七枚

藜蘆 去皮心生用 二錢

右件研細和勻用一字管鼻內吐痰為愈。

治風痰喉痺及纏喉風以玉鑰匙主之

方玉鑰匙

焰硝 三錢 鵬砂 一錢 龍腦 半分 白殭蚕 五分

右件研勻為細末每次半錢吹入喉中立愈。

病纏喉風上膈壅蒸痰涎不利咽喉腫痛以雄黃解毒丸

雄黃解毒丸

雄黃

鬱金 各二錢五分

巴豆 十四枚去油

右件各另研極細醋煮麩糊為丸如棗葶大每服七丸弱者

以意減之清茶送下吐出頑涎則愈

治喉閉氣寒不通飲食不下者以一字散

方一字散

雄黃 二錢五分

白礬 生二錢

藜蘆 去皮生用二錢

竭梢 七枚

猪牙皂角 炙黃七枚

右為細末研勻以一字啗鼻內吐痰為愈

治脾肺有熱虛煩上壅咽喉生瘡以利膈散

方利膈湯

薄荷 荆芥

人參 各一錢

防風 七分

鼠黏子

甘草 各五分

桔梗 八分

僵蚕 五分



右吹咀水二鍾煎七分食後熱服

治纏喉風急喉痺以二聖散方見五卷內及白礬散主之。

方白礬散

白礬二錢器內慢火熱化為水用巴豆三枚分作六辨置在內候乾去巴豆取礬置末吹入鼻中。

又方不用巴豆以鷄子清調灌喉中。

治咽喉腫痛嚥物妨碍及口舌生瘡以絳雪主之。

方絳雪

龍腦半分 鵬砂一錢 辰砂三錢 馬牙硝

寒水石各一

右除龍腦臨用漸加其餘同研極細每用一二字摻於舌上

津出燕下。

治風熱上壅咽喉腫痛或生瘰癧有如肉齒以牛蒡子湯主之。

方牛蒡子湯

鼠粘子

玄參

黃芩各一分

升麻一錢二分

犀角七分

木通

六分甘草五分

桔梗一錢二分

右咬咀生薑三片水煎熟食遠服

治急喉風以奪命散主之

方奪命散

枯白礬

殭蚕

炒去絲

烏砂

皂角末

各等分

右件和勻少許吹喉中痰出則愈

治走馬喉痺氣不通者用巴苳綿裹以左塞左鼻以右塞右鼻

如兩邊俱患塞兩鼻立効

治喉痺用新艾研汁灌下如無以蛇床子入瓶內燒煙入口

愈

治時疫熱毒喉痺以升麻連翹湯主之。

升麻連翹湯

升麻

桔梗

甘草

連翹

鼠粘子

防風

黃芩

酒製各一錢

右咬咀水二鍾煎八分食後徐徐服。

治懸癰腫痛不可飲食以玄參散加射干主之

玄參散

玄參

犀角

各一錢

升麻

一各五分

大黃

看人虛實多少

甘草

生五分

右咬咀水二鍾煎一鍾食遠溫服。

治風熱上衝會厭語聲不出咽喉妨悶腫痛以小如聖湯主之

小如聖湯

甘草

防風 各一錢

枳殼 七分

桔梗 一朶五分

右剉水煎熟，濾清入酥少許，食後熱服。

〔治〕虛火炎上喉疼，吞吐如碍，以降火清喉湯主之。

〔方〕降火清喉湯

薄荷

黃芩 各七分

桔梗

黃蘗 酒炒

知母

生地黄 各一朶

貝母 炒六分

山梔仁 炒六分

甘草 四分

右咀水煎，食遠溫服。

〔治〕諸般喉疼，以山荳根丸主之。

〔方〕山荳根丸

山荳根 五朶

大黃

升麻

朴硝 各一錢五分

右件依法製度為細末，煉蜜丸如皂莢，大每次用一丸，薄

綿包含愈之。

治喉痛不妨嚙物嚙物則微痛以廿桔湯加瓜篥仁白殭蚕主之  
方見三卷內 附以梅葉含燕

方梅藥

黃藥 大黃 風化硝 各等分

右用陳霜白梅去核杵爛如膏入藥杵和勻丸如芡實大時

時含嚙即瘥

治感寒語聲不出以三奇湯主之

方三奇湯

桔梗 一兩五錢 薑拌蒸 甘草 一兩五錢 生半夏 訶子

右剉水煎不拘時時細呷

治纏喉風喉閉以鬱金散主之如無前藥以升麻四兩煎湯灌

下亦無升麻以阜角三錠杵水灌下

方 欝金散

巴荳 七粒 三生四熟火燒存性 雄黃 阜子大 欝金 一段

右件各另研和勻。每服半字。茶而呷調下。如口噤。用竹筒納藥在內吹入喉中。須臾吐利為度。

治 口舌生瘡。咽喉腫痛。以犀角散主之。

方 犀角散

犀角 升麻 桔梗 甘草 各一錢

牛蒡子 四錢 竹葉 五六葉

右煎去渣。細細熱漱。溫即嚥之。其渣熱置項腫處。

治 纏喉風痰壅。牙關緊急。湯水難下。急以牛蒡子湯。加貝母。小

窠仁灌下。但得一口下咽。則無危矣。如難下。以淨綿蘸藥

汁。漸漸令嚥。尤好。

方牛夢子湯

鼠粘子

玄參

黃芩 各一錢

犀角 七分

木通

六分

升麻

桔梗

各一錢二分

甘草

五分

生薑

三片

右咬咀水煎食遠温服

○水腫

夫水少陰主之少陰屬腎主本。肺主標。皆積水也。因脾胃有虧不能防制以致浸漬凝而不流。或加之七情四氣使臟腑受邪遂成此疾。發見之初。眼下若臥蚕之狀。微而至大。以手按之。則隨手而起。如裹水其內。斯為証也。通身光腫。手按成窟。舉手即漏。甚則足膝腫腹大。上入於肺。面浮喘咳。不得臥者。此標本俱病也。腫先起於腹而後散四肢者可治。先起四肢而後歸於腹者難治。陰水為病。脉來沉遲。色多青白。不煩不渴。小便澀少。

而清。大腑多泄。陽水爲病。脉來沉數。色多黃赤。或煩或渴。小便赤色。大便多閉。况其病形不一。有病疣然如水狀。脉大駭。身無痛形。瘦不能食。名爲腎風。善驚。驚已。心氣痿者。以有勇力。勞勞甚。則汗出而逢於風內。不得入於臟肺。外不得越於皮膚。客於玄府。行於皮裏。傳爲腑腫。本之於腎。名爲風水。所謂玄府者。汗空也。寸口脉浮滑者。中有水氣。面目腫大有熱。或身體反重而酸。或惡風。一身悉腫。脉浮不渴。續自汗出而無大熱者。皆爲風水。其脉浮。肘腫。按之沒指。不惡風。其腹如鼓。不渴。四肢腫。水氣在皮膚中。四肢聶聶動者。此爲皮水。其脉沉溼。外証自喘。此爲正水。其脉自沉。腹滿不喘。此爲石水。其脉自浮。骨節疼痛。惡風自汗。此爲黃汗。風水身重。少氣不得臥。煩而躁。其陰大腫。此爲心水。腹大不能自轉。側脇下腹中痛。時時津液生。小便續通。此



爲肝水身腫小便難時時鳴漚此爲肺水腹大四肢若重津液  
不生但若少氣小便難此爲脾水腹人臍腫腰痛不得溺陰下  
濕如牛鼻上汗其足逆冷而瘦此爲腎水一身面目黃腫其脉  
沉小便不利此爲裏水更有生瘡日久濕熱內鬱起居倦怠食  
則眼臥以致脾虛不能運化亦發腫証非水病比也大抵治水  
之法要已上腫宜汗下腫宜利小便此所謂開鬼門潔淨  
府也必須先補脾爲主隨証增損使脾氣得實自能健運升降  
水必順行雖水溢腫甚只宜補中除濕使小便分利若察其年  
壯病淺補助日久形神未憊者暫行十惠湯之類九當斟酌倘  
年衰病久未經補助者切不可妄行道利雖劫効目前而陰損  
正氣然病亦不旋踵而至愈後又宜節飲食少勞役否則愈而  
復作甚則肌肉萌潰足脛流水唇黑耳焦缺盆平臍凸背平足

平。手掌平。肉硬。腹多青筋。大便滑泄。此是五臟有損不可治也。若面生黑色者。肝火兩脅有凸者。肺火臍突出者。脾火兩手無紋者。心火下注脚腫者。腎火男子從脚下腫而上。女從身上腫而下。此亦為逆。凡脉得浮大則生。沉細則死。

○脉症兩詳

脉經曰。關上脉虛者內脹。又云遲而滑者脹。

又云盛而緊者脹。又云虛而緊者脹。

丹溪曰。水腫味多沉伏。又云病陽水兼陽症。脉必沉數。陽水

之症煩滿。小便赤澁。大便閉結。

凡陰水兼陰症。脉必沉澁。陰水之症不煩滿。大便溇。小便少。不

赤澁。又云凡水病腹大如鼓。脉實者生。虛者死。洪大者

主虛。細者死。先以五皮散或六磨湯方見重則五皮

方五皮散

五加皮

地骨皮

生薑皮

大腹皮

茯苓皮

各等分

石咬咀水煎八分食前温服

一方加陳皮一方加薑黃

桑白皮木瓜

方疎鑿散

澤泄

赤小莖

白商陸

虛人減半

羌活

椒目

大腹皮

赤茯苓

木通

秦朮

檳榔 各一錢

生薑

五片

右咬咀水煎八分空心熱服

治陰水身腫不煩不渴大便溇泄小便澁而不赤以實脾散

滿水香流氣飲主之

方實脾散

杏花生春

卷二十七

三

厚朴

白木 各五分 木瓜

木香

乾薑

草果

大腹皮

黑附子炮

白茯苓

各二分

生薑 三片

甘草

炙一分 棗子二枚

右咬咀，用水煎七分，空心熱服。

〔方〕木香流氣飲

人參

厚朴

石菖蒲

甘草

青皮

白朮

紫蘇

桂心

香附子

蓬茂

茯苓

檳榔

丁香皮

大腹皮

木香

半夏

麥門冬

草菓

木通

藿香

陳皮

白芷

木瓜

各等分

右咬咀，棗子二枚，生薑三片，水煎八分，食前熱服。

〔治〕煩熱水腫，以炒山梔仁

錢白朮二錢，五分木香一錢，以急

流順水，空心煎服。

治水腫小便不通。目精黃。以五苓散。方見三卷內。加木通。茵陳主之。

方風濕客於脾經。氣血凝滯。以致面目虛浮。四肢腫滿。心腫膨

脹。上氣促急。以五皮散主之。方見本卷前。

治暑濕傷脾。水腫腹脹。小便赤澀。大便滑利。上氣喘急。以葶藶

木香散主之。

方葶藶木香散

葶藶 木香 各五分 滑石 澤瀉 猪苓

白朮 赤茯苓 木通 各一錢 官桂

甘遂 生薑 三片

右咬咀。水煎七分。不拘時服。

治停血不散。腹腫喘滿。夜甚於晝。或血虛而膨。或脹。或散。並以

當歸散主之

方當歸散

木香煨

桂心

木瓜 各五分

赤茯苓

當歸類

陳皮

白朮 各一錢

赤芍藥 各一錢二分

木通

牡丹皮

檳榔 各七分

紫蘇 四分

右咬咀。水煎八分。不拘時服。

治水腫脹急。其人強實。以十棗湯利之。

方見四卷內。中病止藥。

久病虛人禁用。以除濕消脹湯主之。

方除濕消脹湯

白朮 一錢五分

茯苓 一錢

猪苓

澤瀉 各七分

厚朴

陳橘皮

瞿麥

扁蓄

各五分

白苳薹

木香

甘草 各三分

木通 四分

縮砂仁

七枚

生薑 三片

右咬咀。水煎。慮清以一蛤殼磨沉香濃汁和服。

治血氣俱熱。遂生瘡疥。變為腫滿。或煩或渴。以赤小荳湯主之。

稍退止服。

赤小荳湯

赤小荳炒 當歸 商陸 澤瀉 桑白皮 連翹

赤芍藥 防己 猪苓 澤瀉各等分 生薑 三片

如熱甚加犀角。

右咬咀。水煎八分。熱服。如氣虛者。不宜服。

治濕熱之氣在上。抑遏清氣。鬱而不升。而為脹滿。法當升清氣。

利濁氣。是以用沉香升清氣。降濁氣。木香厚朴。枳實。橘紅。

青皮。萹荑。芎藭等散壅滯。以疎脹滿。白朮健脾燥濕。用茯苓。

澤瀉。分利水氣。大黃。以下濕熱。當歸理氣血。使各歸其所。

方沉香交泰丸

沉香 五錢 木香 一兩 厚朴 一兩 枳實 橘紅 各二兩

青皮 一兩 莫莖 五錢 白朮 五兩 茯苓 三兩 澤瀉 一兩

當歸 三兩 大黃 一兩

右為末蒸餅丸如梧子大薑湯下三五十九或七十九為愈

方四磨飲 治水腫

人參 檳榔 沉香 烏藥 各二錢

右件依法磨水七分煎三五沸服

治濕熱內攻心腹脹滿小便澀少大便滑利及瘡後作腫以大

橘皮湯主之

方大橘皮湯

橘紅 白朮 赤茯苓 各一錢 滑石 炒 一錢五分



木香

五分

檳榔

八分

猪苓

七分

澤瀉

一分

肉桂

甘草

各三分

右咬阻用生薑三片水煎熟温服

病積水驚水或飲水過多停積於脾故四肢腫而身熱以退腫

塌氣之劑

[方]退腫塌氣散

赤小豆

蘿蔔子

陳皮

各一錢五分

甘草

木香

炮各七分

生薑

五片

如水腫脹甚去甘草加甘遂炒五分稍退止加

右咬阻用麩子二枚水煎熟食前服

病久瀉後脾氣衰弱浮腫小便不利以胃苓湯主之

方見三卷內

治水氣腫滿喘急不止以赤茯苓散或赤茯苓丸

方赤茯苓散

赤茯苓

桑白皮

各一錢五分

貝母

一錢

桔梗

杏仁

甜葶藶

各七分

升麻

八分

甘草

分

右咬咀水煎熟食遠温服。

方赤茯苓丸

赤茯苓

一兩

葶藶

四兩

防已

二兩

木香

五錢

右件依法製度為末。棗肉為丸。如梧桐子大。每服四五十九

桑白皮湯。空心送下。

治病後浮腫。此是脾虛不能制水。以六君子湯加木香主之。見方

四卷

病脾氣有餘。氣不宜通。面目手足浮腫。以導氣通經之劑

方導氣通經湯

橘皮 去白

桑白皮

白朮

木香

白朮 各等

如霖甫加澤瀉一錢

右咬咀水煎熟食前溫服

病肺移於腎腹滿不堅澁如囊裏漿疾行則濯濯有聲各涌水

以葶藶澤瀉之類

方葶藶丸

葶藶 另研

澤瀉

椒目

桑白皮

杏仁

另研

猪苓 各五錢

右件依法製度為末煉蜜為丸如梧桐子大每服二十九葱

白湯不拘時服以利為度

病病人不得臥臥則喘水氣逆行上乘於肺肺得水而浮使氣

不通流脉沉大以神閉湯

方神閉湯

白茯苓

紫蘇

橘皮

人參

各一錢

木香

五分

桑白皮

一錢五分

生薑

七片

右咬咀水煎熟不拘時服。

病腿脚浮腫上輕下重不能屈伸或有自汗以防已黃芪湯主

之。方見三卷內。

病生瘡愈早濕氣不散以致遍身浮腫當利小便通其氣以五

苓散

方見三卷內

五皮散各半和服

方見本卷前

治水病浮腫氣貫人暫用蘿蔔子飲稍退止服。

方蘿蔔子飲

蘿蔔子

生

赤茯苓

各一錢

牽牛

炒取末

葶藶

各七分

甘草

白商陸

各三分

半夏

薑製

川芎

檳榔

青木香 各七分

官桂

青皮

陳皮

各五分

生薑

五片

右咬咀。用水煎熟。空心熱服。

〔治〕生瘡之人。用乾藥太早。致濕不散。遍體浮腫。大便閉者。以升

麻和氣飲主之。

〔方〕升麻和氣飲

升麻

乾葛

桔梗

陳皮

甘草

各五分

蒼朮

當歸

大黃

蒸

白芍藥

茯苓

各五分

半夏

枳殼

白芷

各三分

乾薑

生二分

生薑

三片

右咬咀。燈心十五莖。用水煎食前服。如熱盛。去乾薑。加黃

連三分。連翹五分。

〔治〕下部水腫。囊濕足冷。氣喘上促。以降氣除濕湯主之。

方降氣除濕湯

沉香 木香 白朮 各二錢 澤瀉 白茯苓

橘紅 各一錢五分 半夏 一錢 防己 一錢 甘草 炙少許

白芷 五分 生薑 五片

右咬咀水煎空心服。

治生瘡日久元氣倦怠食則眠臥脾虛不能運化以致腹滿面

浮足腫以大橘皮湯加枳實大腹皮硝砂仁主之。卷內見本

凡腫從脚起其根在心加葶藶從陰腫起其根在腎加澤瀉從

腸腫起其根在肚加川椒從口唇腫起其根在小腸加已

戟從面腫起其根在脾加桑白皮從脇腫起其根在骨加

甘遂從項腫起其根在隔加茯苓仍察虛實加減

治腫大法補中行濕能使大便潤小便長以六君子湯為主

四卷內

佐以黃芩。麥門冬以清肺。金制伏肝木。若腹中實  
脹。少佐厚朴。氣不轉運。加木香。木通。硝砂仁。久瀉清氣陷  
下。加柴胡升。麻提之。若食積加神麴。肉積少加草果。水氣  
盛。去甘草。加甘遂些些少。下部腫甚。加防已。喘急加桑白皮。

治產後水腫。非比尋常。必須大補氣血。使水自降。以四物湯。見方

三卷內

四君子湯相半。加佐蒼朮。若壅滿。加半夏。陳皮。香

附子。兼之有熱。當清肺。加麥門冬。黃芩。氣不順。加大香。硝  
砂仁。若瘀血成脹。自有專科之法。

○鼓脹

心肺陽也。若上。腎肝陰也。居下。脾居中。亦陰也。屬土。經曰。飲食  
入胃。遊溢精氣。上輸於脾。脾氣散精。上歸於肺。通調水道。下輸  
膀胱。水精四布。五經並行。是脾且坤靜之德。而有乾健之運。故

能使心肺之陽降。腎肝之陰升。而成天地交之泰。是為無病。今也七情內傷。六淫外侵。飲食不節。房勞致虛。脾土之陰受傷。轉輸之官失職。胃雖受穀。不能運化。故陽自升。陰自降。而成天地不交之否。於斯時也。清濁相混。隨道壅塞。氣化濁血。瘀鬱而為熱。熱留而久。氣化成濕。濕熱相生。遂成脹滿。經曰。鼓脹是也。以其外雖堅滿。中空無物。有似於鼓。其病膠固。難以治療。理宜補脾。又須養肺金。以制木。使脾無賊邪之慮。滋腎水。以制火。使肺得清化之令。卻鹽味。以防助邪。斷妄想。以保母氣。無有不安。醫不省察。病起於虛。急於作効。術能希賞。病人苦於脹急。善行利藥。以求一時之快。不知寬得一日半日。其腫愈甚。病邪甚矣。真氣傷矣。去以不遠。此病之起。或三五年。或十餘年。根深勢篤。卒難獲効。知王道者。能治此病。倘其不因於虛。受病亦淺。脾胃尚



德積滯不瀉。而又有可下之症。亦宜先與補脾之劑數。貼方可  
累行。踈導者。按張子和濟川散。禹攻圓。爲例行。廷致之策。實所  
不散。其脉浮大則生。沉細弦急則危。又有中滿。此是脾胃虛弱  
乍爲氣食所停。比之脹症尤輕。有婦人曰產崩血虛。或瘀血不  
散。亦成腫脹。其人脉必瀆。而面黑不可。作水濕治之。用心於斯  
可以萬全。

○脉症備詳

脉脹滿。脉弦。脾制於肝。洪數熱脹。遲弱陰寒。浮爲虛脹。緊則中  
實。浮大者生。虛小危急。

治病久。腹脹。手足瘦。而腹大如蜘蛛。脉弦而瀆重則大。此爲氣  
虛。以人參白朮湯主之。

方人參白朮湯

人參

白朮

各一錢五分

當歸

白芍藥

橘皮

茯苓

各一錢

川芎

黃連

三分

厚朴

四分 甘草生二分

右咬咀。用水煎空心服之。

〔治〕腹脹形黑時或見血。脈澹重似弱。此血虛以當歸白朮湯主

之。若產後血虛腹脹。去芍連。加大參。

〔方〕當歸白朮湯

當歸

一錢二分

川芎

白朮

各一錢

黃連

三分

黃芩

木通

各四分

厚朴

二分

白芍藥

八分

橘皮

熟地黃

各五分

甘草

生二分

右咬咀。水煎熟。空心熱服。

〔治〕脾胃不和。腹脹少食。或面足皆浮。小便赤少。以木香橘皮湯